

bado polo Real decreto 2486/1998, do 20 de novembro, así como as súas normas de desenvolvemento, efectúan ao ministro ou Ministerio de Economía e Facenda teñen que se entender efectuadas ao ministro ou Ministerio de Economía e, igualmente, as efectuadas á Dirección Xeral de Seguros teñen que se entender efectuadas á Dirección Xeral de Seguros e Fondos de Pensións.

**Disposición transitoria primeira.** *Réxime transitorio dos beneficios futuros do ramo de vida para efectos do seu cómputo como patrimonio propio non comprometido.*

1. Ata o 31 de decembro de 2009, poderase computar como patrimonio propio non comprometido o 50 por cento dos beneficios futuros referidos exclusivamente ao ramo de vida, excluindo a parte dos beneficios futuros que xurda das plusvalías mencionadas na alínea c) do número dous do artigo 59.1 do Regulamento de ordenación e supervisión dos seguros privados, que fose xa tida en conta para tales efectos.

O importe dos beneficios futuros que se debe computar obterase multiplicando o beneficio anual estimado por un factor que represente a duración residual media dos contratos, sen que este factor poida ser superior a seis. O beneficio anual estimado non excederá da media aritmética dos resultados das contas técnicas no ramo durante os últimos cinco exercicios económicos.

O importe que se debe computar non poderá exceder do 25 por cento do patrimonio propio non comprometido, avaliado computando as partidas do número un e das alíneas a) e c) do número dous do artigo 59.1 do Regulamento de ordenación e supervisión dos seguros privados, deducidos os elementos indicados no punto 2 deste artigo, ou do 25 por cento da contía mínima de marxe de solvencia, se esta fose inferior.

En todo caso, o seu cómputo só será admitido pola Dirección Xeral de Seguros e Fondos de Pensións cando, ademais do cumprimento dos requisitos anteriores, a entidade presentase ante o dito centro directivo un informe actuarial xustificando a probabilidade de que se produzan estes beneficios no futuro.

2. Durante os exercicios 2004 a 2009, a entidade irá eliminando esa partida, de acordo cun plan sistemático acordado pola entidade e comunicado á Dirección Xeral de Seguros e Fondos de Pensións no prazo dun ano desde a entrada en vigor deste real decreto.

3. Para efectos do patrimonio propio non comprometido dos grupos consolidables de entidades aseguradoras, poderase computar o 50 por cento da suma dos beneficios futuros do ramo de vida da sociedade dominante e das dependentes, sempre que eses beneficios sexan computables individualmente e respecten no nivel consolidado os límites dispostos no número 1 anterior. Ademais, a suma dos citados beneficios futuros e de calquera outro elemento que, a xuízo da Dirección Xeral de Seguros e Fondos de Pensións, puidese non estar dispoñible de modo efectivo para cumprir o requisito de marxe de solvencia da entidade dominante, non se poderá computar por unha contía superior a aquela pola que sexa computable na marxe de solvencia que corresponda á entidade dependente.

**Disposición transitoria segunda.** *Réxime transitorio das novas exixencias de solvencia.*

En 31 de decembro de 2006, as entidades aseguradoras deberanse ter adaptado ás novas exixencias de marxe de solvencia previstas neste real decreto. A adaptación efectuarase linealmente ou mediante outro criterio sistemático acordado pola entidade con carácter irreversible, comunicado á Dirección Xeral de Seguros e Fondos de Pensións no prazo dun ano desde a entrada en vigor deste real decreto.

As entidades que previsen non poder alcanzar as novas exixencias de solvencia na data indicada deberán presentar, antes da dita data, para a súa aprobación pola Dirección Xeral de Seguros e Fondos de Pensións, de acordo co disposto no artigo 39 da Lei 30/1995, do 8 de

novembro, de ordenación e supervisión dos seguros privados, un plan en que se determinen as medidas que se adoptarán, con indicación das condicións e o prazo, que non poderá ser superior a dous anos, para alcanzar, en todo caso, as novas exixencias de solvencia.

A partir do 31 de decembro de 2006, as contribucións non reintegrables de socios e mutualistas realizadas con anterioridade á entrada en vigor deste real decreto deberán estar adaptadas aos requisitos exixidos pola nova redacción da alínea d) do artigo 59.1.un do Regulamento de ordenación e supervisión dos seguros privados, para efectos do seu cómputo na marxe de solvencia.

**Disposición derogatoria única.** *Derrogación normativa.*

Quedan derogadas cantas disposicións de igual ou inferior rango se opoñan ao disposto neste real decreto.

**Disposición derradeira primeira.** *Lexislación básica.*

De conformidade co establecido na disposición derradeira primeira da Lei 30/1995, do 8 de novembro, de ordenación e supervisión dos seguros privados, teñen a consideración de bases da ordenación dos seguros, ao abeiro do artigo 149.1.11.<sup>a</sup> da Constitución, as disposicións transitorias primeira e segunda deste real decreto.

**Disposición derradeira segunda.** *Habilitación para desenvolvemento normativo.*

Facúltase o ministro de Economía, por proposta da Dirección Xeral de Seguros e Fondos de Pensións e logo do informe da Xunta Consultiva de Seguros e Fondos de Pensións, para realizar o desenvolvemento normativo das disposicións contidas neste real decreto.

**Disposición derradeira terceira.** *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 20 de febreiro de 2004.

JUAN CARLOS R.

O vicepresidente primeiro do Goberno  
e ministro de Economía,

RODRIGO DE RATO Y FIGAREDO

## MINISTERIO DE ADMINISTRACIÓNS PÚBLICAS

**3326** *CORRECCIÓN de erros da Orde APU/126/2004, do 23 de xaneiro, de desenvolvemento e aplicación do Real decreto 835/2003, do 27 de xuño, polo que se regula a cooperación económica do Estado aos investimentos das entidades locais. («BOE» 46, do 23-2-2004.)*

Advertido erro na Orde APU/126/2004, do 23 de xaneiro, publicada no «Boletín Oficial del Estado», suplemento número 3 en lingua galega, de data 2 de febreiro de 2004, procédese a efectuar a seguinte corrección:

No anexo I «Modelos de documentos»:

A continuación do modelo 4C, deberá incluírse o modelo 5A «Certificado de recepción de obra contratada».

## MODELO 5A

NID .....(10)....

ENTIDADE (1):

CÓDIGO (2):

--	--	--

PLAN \_\_\_\_\_ (3) DE COOPERACIÓN NAS OBRAS E SERVIZOS DE COMPETENCIA MUNICIPAL  
E DE ESTRADAS

ANO:

--	--	--	--

**CERTIFICADO DE RECEPCIÓN DE OBRA CONTRATADA**  
(Artigo 12 do Real decreto 835/2003, do 27 de xuño)

D./Dna. \_\_\_\_\_,  
secretario(a) (4) de (5) \_\_\_\_\_

CERTIFICO: que esta entidade adxudicou o contrato da obra (6) cuxas circunstancias se expresan a continuación

I. IDENTIFICACIÓN DA OBRA E DATA DO SEU REMATE					
1. OBRA					
a) Denominación (7)					
_____					
b) Número (7)	<table border="1" style="display: inline-table;"><tr><td style="width: 20px; height: 15px;"></td><td style="width: 20px; height: 15px;"></td><td style="width: 20px; height: 15px;"></td><td style="width: 20px; height: 15px;"></td></tr></table>				
2. MUNICIPIO					
a) Denominación	b) Código de identificación				
_____	<table border="1" style="display: inline-table;"><tr><td style="width: 20px; height: 15px;"></td><td style="width: 20px; height: 15px;"></td><td style="width: 20px; height: 15px;"></td></tr></table>				
7. DATA DE TERMINACIÓN DA OBRA OU DA ANUALIDADE (8)					
_____					

II. IMPORTES DA ADXUDICACIÓN DO CONTRATO E DA OBRA EXECUTADA		
	PROXECTO	SUBVENCIÓN A.G.E. (MAP)
1. Adxudicación do contrato		
<b>2. Obra certificada</b>		
<b>3. Diferencia (1-2)</b>		

III. LIQUIDACIÓN DA SUBVENCIÓN DA ADMINISTRACIÓN XERAL DO ESTADO (MAP)			
1. OBRA CERTIFICADA	2. PRIMEIRO PRAZO PAGADO DA SUBVENCIÓN (75%)	3. PENDENTE DE PAGAMENTO Ó BENEFICIARIO (SE 1>2; 2-1)	4. SOBRANTE QUE TEN QUE REINTEGRAR Ó BENEFICIARIO (SE 1<2; 2-1)

E para que así conste, e para a súa remisión á Dirección Xeral para a Administración Local, do Ministerio de Administracións Públicas, para os efectos do cobramento do saldo pendente da subvención concedida ou do reintegro ao Tesouro Público do sobranse (9), conforme o artigo 12 do Real decreto 835/2003, do 27 de xuño, expido esta certificación, por orde e co visto e praxe do \_\_\_\_\_, en \_\_\_\_\_ o \_\_\_\_\_ de \_\_\_\_\_ de \_\_\_\_\_.

Vº.Pr

O/A \_\_\_\_\_

O/A secretario/a

Asdo.: \_\_\_\_\_

**INSTRUCCIÓN PARA CUBRI-LO MODELO 5A**

- 1) Natureza da entidade (deputación provincial, cabido ou consello insular ou comunidade autónoma uniprovincial non insular) e denominación.
- 2) Nos dous primeiros cadros, indíquese o código da provincia, segundo o Instituto Nacional de Estatística. No terceiroadro expresarase, se é o caso, o código do cabido ou consello insular, segundo a táboa que figura no anexo correspondente.
- 3) Provincial, insular ou da comunidade autónoma uniprovincial non insular, segundo proceda.
- 4) A certificación será expedida polo secretario no caso de entidades locais. Se se trata dunha comunidade autónoma uniprovincial non insular, consignarase a denominación do posto de traballo do funcionario que a expide.
- 5) Indíquese a natureza da entidade local contratante (deputación provincial, cabido ou consello insular, concello ou outra das previstas no número 2 do artigo 3º da Lei 7/1985, do 2 de abril, reguladora das bases de réxime local) e a súa denominación; ou, se é o caso, órgano contratante da comunidade autónoma uniprovincial.
- 6) Ou, se é o caso, da certificación correspondente á terminación da fase de obra a realizar na anualidade corrente, no suposto de investimentos de carácter plurianual.
- 7) Denominación e número correlativo de cada obra do plan, que permitirán a súa identificación. Ámbolos datos figurarán en tódolos documentos relativos á mesma obra.
- 8) Farase consta-la data de finalización do investimento, segundo resulte da última certificación de obra.  
  
Cando se trate de proxectos plurianuais, consignarase a data de finalización da anualidade, que será a que figure na certificación de obra correspondente.
- 9) Elimínese o suposto que non corresponda (cobramento do saldo pendente da subvención ou reintegro do sobranter ó Tesouro Público).
- 10) Reservado para o tratamento telemático do documento.